

Na osnovu člana 57. stav (3) Zakona o obrtu i srodnim djelatnostima u Federaciji Bosne i Hercegovine ("Službene novine Federacije BiH", broj 75/21) – (u daljem tekstu: Zakon) federalni ministar razvoja, poduzetništva i obrta, d o n o s i

P R A V I L N I K
o izbornoj proceduri u obrtničkim komorama kantona i
Obrtničkoj komori Federacije Bosne i Hercegovine

Službene novine broj: 104/24

POGLAVLJE I – OSNOVNE ODREDBE

Član 1.
(Predmet)

Ovim Pravilnikom propisani su: vrijeme izbora, koordinator izbora i izborna komisija, izborna područja, raspodjela predstavnika u skupštini obrtničke komore, izborni prijedlozi, izbori, uži izbor kandidata, žalbeni postupak i troškovi provođenja izbora u obrtničkim komorama kantona (u daljem tekstu: obrtničke komore) i Obrtničkoj komori Federacije Bosne i Hercegovine (u daljem tekstu: Komora)

Član 2.
(Period izbora)

- (1) Izbori za predstavnike u obrtničkim komorama (u daljem tekstu: izbori) redovno se organizuju svake 4 (četiri) godine.
- (2) Izbori se mogu organizovati i u vanrednim slučajevima, ako je to propisano statutom obrtničkih komora.

POGLAVLJE II – VRIJEME IZBORA, KOORDINATOR IZBORA I IZBORNA KOMISIJA

Član 3.
(Dan i vrijeme izbora)

- (1) Upravni odbori obrtničkih komora određuju dan izbora, mjesto održavanja i vrijeme izbora.
- (2) Izbori se u pravilu održavaju nedjeljom ili praznikom odnosno neradnim danom.

Član 4.
(Koordinator izbora)

Upravni odbori obrtničkih komora, kao svog predstavnika, imenuju Koordinate izbora, koji nemaju pravo glasa i koji ne smiju biti službenici obrtničke komore.

Član 5.
(Izborne komisije, obaveze i prava članova)

- (1) Upravni odbori obrtničkih komora, od ukupnog broja članova sa pravom glasa, u izborne komisije imenuju četiri člana i potreban broj njihovih zamjenika, od kojih polovina ima pravo glasa.
- (2) Koordinator izbora i imenovani članovi sačinjavaju Izborne komisije, kojima predsjedavaju Koordinator izbora.
- (3) Izborne komisije mogu odlučivati kada su, osim Koordinatora izbora ili njihovog zamjenika, prisutna još najmanje dva člana. Izborne komisije odlučuju većinom glasova, a u slučaju izjednačenog broja glasova odlučuje glas Koordinatora izbora.
- (4) Članovi i zamjenici Izbornih komisija obavezuju se Koordinatorima izbora na vanstranačko i savjesno obavljanje svojih zadataka, kao i na čuvanje svih podataka koji im budu dostupni u toku obavljanja njihovog posla.
- (5) Zamjenici se angažuju u odsutnosti članova ili u slučaju njihovog opoziva.
- (6) Članovi Izborne komisije nemaju pravo na novčanu naknadu. Njima se nadoknađuju novčani troškovi i troškovi izgubljenog vremena u visini koju odredi Upravni odbor.

Član 6.
(Zapisničari Izbornih komisija)

- (1) Na sjednicama Izbornih komisija Koordinator izbora imenuju zapisničare, koji se obavezuju na nepristrasno i savjesno obavljanje dužnosti.
- (2) Zapisničari nemaju pravo glasa i ne pripadaju članovima sa pravom glasa.

Član 7.
(Sjednice Izbornih komisija)

- (1) Mjesto i vrijeme sjednica Izbornih komisija određuju Koordinator izbora. Članovi i zapisničari pozivaju se na sjednice.
- (2) Izborne komisije odlučuju na javnim sjednicama.
- (3) Sjednice su javne kada je ranijim oglasom na ulazu zgrade u kojoj se održavaju sjednice oglaseno vrijeme, mjesto i predmet sjednice, uz uputstvo da je dozvoljeno prisustvovanje članova skupštine sa pravom glasa.

POGLAVLJE III – IZBORNO PODRUČJE I RASPODJELA PREDSTAVNIKA U SKUPŠTINI OBRTNIČKE KOMORE

Član 8. (Izborna područja)

- (1) Područja koja obuhvaćaju kantone predstavljaju izborna područja obrtničkih komora kantona, putem kojih se vrše izbori u Obrtničku komoru F BiH.
- (2) Na izbornom području obrtničkih komora kantona izbori se mogu organizirati na više glasačkih mjesta o čemu odlučuje upravni odbor.

Član 9. (Raspodjela predstavnika)

- (1) U cilju raspodjele mandata predstavnika u skupštini, obrtničke komore kantona i Komora će svojim statutima propisati broj članova skupštine.
- (2) U cilju raspodjele mandata predstavnika u skupštini, obrtničke komore mogu svojim statutima propisati podjelu predstavnika u grupe u skladu sa članom 57. stav (2, odnosno članom 68. stav (2) Zakona.

POGLAVLJE IV – IZBORNI PRIJEDLOZI

Član 10. (Prikupljanje izbornih prijedloga)

Koordinatori izbora najkasnije 3 (tri) mjeseca prije dana izbora, objavljenog od strane nadležnih organa obrtničke komore, trebaju zatražiti predaju izbornih prijedloga i nakon njihovog prikupljanja objaviti ih na oglasnoj ploči obrtničke komore i na službenoj internet stranici komore.

Član 11. (Sadržaj izbornih prijedloga)

- (1) Izborni prijedlozi važe za izbornu područje.
- (2) Izborni prijedlog je jedan i sadrži za svaku općinu u izbornom području onoliko kandidata predstavnika obrtnika, predstavnika koji obavljaju stare i tradicionalne zanate, predstavnika lica koji obavljaju srodne djelatnosti i predstavnika ostalih članova komore, a koji nisu upisani kod nadležnog općinskog / gradskog organa u registar obrtnika. koliko je propisano Statutom komore za svako izbornu područje.
- (3) Broj kandidata za izbor predstavnika obrtnika, predstavnika koji obavljaju tradicionalne i stare zanate, predstavnika lica koja obavljaju srodne djelatnost i predstavnika ostalih članova Komore koji nisu upisani kod nadležnog općinskog / gradskog organa u registar obrtnika, obavezno je uskladiti sa članom 8. ovog Pravilnika i odgovarajućim odredbama propisanim statutom obrtničke komore.

- (4) Izborni prijedlozi dostavljaju se u obliku lista i sadrže najmanje onoliko kandidata, koliko se članova i zamjenika bira u izbornom području.

Član 12.
(Način izbora u Obrtničkoj komori F BiH)

- (1) Obrtnička komora kantona iz redova svoje skupštine imenuje potreban broj predstavnika za Skupštinu Obrtničke komore F BiH.
- (2) Obrtnička komora kantona predlaže svoje predstavnike za izbor tijela u Obrtničkoj komori F BiH. Prijedlog za njihov izbor može dati i Upravni odbor Komore.
- (3) Obrtničke komore kantona za predložene osobe moraju dostaviti potvrdu da su članovi komore te da prihvaćaju kandidaturu za tijela u Obrtničkoj komori F BiH.
- (4) Izborni prijedlog dostavlja se u obliku popisa i mora sadržavati onoliki broj imena kandidata koliko se članova i zamjenika bira u izbornom području u skladu sa Statutom Obrtničke komore F BiH.

Član 13.
(Kandidati iz izbornih prijedloga)

- (1) Kandidati za člana (predstavnik) ili zamjenika člana (predstavnik) u skupštini kantonalne komore moraju dati tačne sljedeće podatke:
 - a) ime i prezime,
 - b) zanimanje,
 - c) mjesto stanovanja i
 - d) tačnu adresu,tako da ne postoji nikakva sumnja ili zabuna u identitet kandidata.
- (2) Iz izbornih prijedloga jasno se treba vidjeti prijedlog za člana i odvojeno prijedlog za zamjenika.
- (3) Kod predlaganja dva zamjenika, u prijedlogu se mora tačno naznačiti ko je predložen za prvog, a ko za drugog zamjenika i to tako da ne postoji nikakva sumnja ili zabuna u redoslijed kandidata za zamjenike.

Član 14.
(Potpisnici izbornih prijedloga)

- (1) Svaki izborni prijedlog mora biti potpisan od najmanje dvostrukog broja obrtnika, predstavnika koji obavljaju tradicionalne i stare zanate, predstavnika lica koja obavljaju srodne djelatnost i predstavnika ostalih članova Komore koji nisu upisani kod nadležnog općinskog / gradskog organa u registar obrtnika u odnosu na broj mjesta koja oni zauzimaju u skupštini obrtničke komore.
- (2) Potpisnici izbornog prijedloga prilikom potpisivanja pored imena i prezimena u obavezi su navesti svoje zanimanje, mjesto i adresu stanovanja, a njihovi potpisi moraju biti čitki.

Član 15.
(Dostavljanje izbornih prijedloga)

Izborni prijedlozi se dostavljaju Koordinatorima izbora najkasnije 30 (trideset) dana prije oglašenog dana izbora.

Član 16.
(Prilozi uz izborne prijedloge)

Sa svakim izbornim prijedlogom dostavlja se:

- (1) Izjava kandidata da je saglasan sa stavljanjem njegovog imena na izborni prijedlog,
- (2) Potvrda obrtničke komore da kandidat ispunjava uslove:
 - a) ako se radi o obrtniku, u smislu člana 12. stav (1) Zakona,
 - b) ako se radi o licu koje obavlja srodnu djelatnost, u smislu člana 38. stav (3) Zakona,
 - c) ako se radi o ovlaštenom predstavniku privrednog društva ili predstavniku nekoga od subjekta organizovanja koji su osnovani u skladu sa posebnim propisom u smislu člana 55. stav (4) Zakona.
- (3) Potvrda obrtničke komore da su potpisnici izbornog prijedloga članovi obrtničke komore.

Član 17.
(Neispravnost izbornih prijedloga)

Ako izborni prijedlozi imaju nedostataka, Koordinatori izbora dužni su otkloniti uočene nedostatke, u saradnji sa potpisnicima izbornih prijedloga.

Član 18.
(Prihvatanje izbornih prijedloga)

- (1) Izborne komisije odlučuju o prihvatanju izbornih prijedloga najkasnije 21 (dvadeset i jedan) dan prije izbora.
- (2) Ako izborni prijedlozi nisu u skladu sa odredbama ovog Pravilnika ili nisu ispoštovani propisani rokovi za njihovo podnošenje, novi izborni prijedlozi ne mogu se prihvatiti.
- (3) Nakon što se utvrde svi izborni prijedlozi oni se naknadno ne mogu mijenjati.

Član 19.
(Objavljivanje izbornih prijedloga)

Koordinator izbora, u skladu sa članom 10. ovog Pravilnika, objavljuje prihvaćene izborne prijedloge najkasnije 15 (petnaest) dana prije izbora i objavljuje ih na oglasnoj ploči obrtničke komore i na drugi način utvrđen statutom obrtničke komore kantona.

POGLAVLJE V – IZBORI

Član 20.

(Birački spiskovi)

- (1) Glasati može samo onaj koji je upisan u birački spisak.
- (2) Uvid u biračke spiskove dozvoljen je samo licima sa pravom glasa.
- (3) Ako lice iz stava (2) ovog člana smatra birački spisak nepotpunim i netačnim ima pravo žalbe, pismenim putem, nadležnim službama obrtničkih komora, u roku od 5 (pet) dana od dana objavljivanja biračkih spiskova.
- (4) Odluku po žalbi, Koordinacione izborne komisije donose prije izbora i o istoj se obavještavaju učesnici izbora.
- (5) Ako je rok za donošenje odluke istekao, glasač može glasati samo ako je blagovremeno uložio žalbu. U protivnom se briše sa biračkih spiskova.
- (6) Ako dođe do ispravke biračkih spiskova, razlozi za ispravku navode se u kolonu " PRIMJEDBE - NAPOMENE ". Sve promjene se unose kao naknadni unos.
- (7) Birački spiskovi se ažuriraju do samog dana izbora.
- (8) Birački spiskovi se nakon izbora predaju Koordinatoru izbora.

Član 21.

(Pravo glasa)

- (1) Glasati mogu samo lica koja imaju glasačko pravo i koja su legitimisana.
- (2) Ako je obrtnik ili lice koje obavlja srodnu djelatnost, u skladu sa članom 35. i članom 38. Zakona, privremeno obustavio obavljanje djelatnosti, glasati može samo uz predočavanje rješenja nadležnog organa o privremenom obustavljanju obavljanja djelatnosti.
- (3) Glasaci koji ne mogu prisustvovati glasanju nemaju pravo poslati zamjenu, niti glasati pismenim putem.

Član 22.

(Glasački listići)

- (1) Uz prethodnu saglasnost Upravnih odbora obrtničkih komora, glasačke listiće sastavljaju Koordinatori izbora prema prihvaćenim izbornim prijedlozima, označavaju određenim rednim brojem i dostavljaju nadležnim organima obrtničkih komora.
- (2) Na izborima se mogu upotrijebiti samo glasački listići dostavljeni od nadležnih službi obrtničkih komora.
- (3) Svi glasački listići izdati od Izbornih komisija označeni su važećim rednim brojem i uvode se u zapisnik.
- (4) Glasajući listići za izbore pripremaju se u različitim bojama.
- (5) Glasajući listići se nakon zaokruživanja pakuju u kovertu označenu pečatom obrtničkih komora.

Član 23.
(Važeći glasački listići)

U proceduri izbora važeći su samo oni glasovi koji su zaokruženi na neizmijenjenim glasačkim listićima i predati Izbornim komisijama.

Član 24.
(Glasačko mjesto)

- (1) Radni sto Izbornih komisija mora biti dostupan sa svih strana.
- (2) Na stolu se postavlja glasačka kutija.
- (3) Prije početka glasanja Izborne komisije provjeravaju da li je glasačka kutija prazna.
- (4) Glasnačka kutija ne smije se otvarati do završetka izbora.
- (5) Glasnačkih listića mora biti u dovoljnom broju, a određen broj i u rezervi.

Član 25.
(Procedura glasanja)

- (1) Svi članovi obrtničkih komora, koji imaju pravo glasa mogu ući u prostorije gdje se odvija glasanje. U tim prostorijama ne smiju se držati nikakvi govori.
- (2) Izborne komisije odstranjuju iz prostorija gdje se odvija glasanje sva lica koja uzrokuju ometanje rada, red i mir, a ako se radi o glasaču omogućava mu se da ispuni svoje glasačko pravo prije odstranjivanja.
- (3) Predsjedavajući Izbornih komisija kontrolišu proceduru glasanja i uspostavljaju red u slučajevima gužve na ulazu u prostorije gdje se odvija glasanje.
- (4) Pri ulasku u prostorije gdje se odvija glasanje, glasač dolazi do stola Izbornih komisija, govori svoje ime i prezime, po zahtjevu i adresu, i ukoliko ga zapisničari pronađu u biračkom spisku i potvrde njegove podatke, dobija glasački listić. Na zahtjev Izbornih komisija glasač pokazuje lični dokument.
- (5) Predsjednici izbornih komisija vode računa da svi glasači dobiju službene listiće i da ih niko ne ometa pri glasanju na mjestu za glasanje.
- (6) Član Izbornih komisija kojeg odredi predsjedavajući Izborne komisije daje sve potrebne informacije glasaču, kako bi ga uputio u ispravan način glasanja.
- (7) Glasnač sa glasačkim listićem odlazi na mjesto za glasanje, gdje je onemogućeno prisustvo drugih lica i obavlja svoju glasačku dužnost.
- (8) Glasnači se imaju pravo zadržati na mjestu za glasanje onoliko vremena koliko im je potrebno da odluče za koga će glasati.
- (9) Poslije glasanja glasač dolazi do stola Izbornih komisija i ubacuje svoj glasački listić u glasačku kutiju.
- (10) Glasnačke listiće, predate bez određenog broja i pečata obrtničkih komora odstranjuju predsjednici Izbornih komisija.
- (11) Nakon vremenskog roka određenog za glasanje, lica koja u tom vremenu nisu uspjela glasati, a zatekla su se u prostoriji gdje se odvija glasanje, mogu ostati i

obaviti glasačku dužnost. Tek nakon tog predsjednici Izbornih komisija mogu proglasiti glasanje zatvorenim.

Član 26.
(Zapisnici o izbornom procesu)

Po završetku glasanja Izborne komisije su dužne obavijestiti Koordinatore izbora o toku izbornog procesa prilažući zapisnike o izbornim procesima.

Član 27.
(Nevažeći glasački listići)

- (1) Glasački listići su nevažeći:
 - a) ako nisu izdati od nadležne službe obrtničke komore kantona;
 - b) ako je glasački listić nepravilno popunjen;
- (2) U zapisniku se moraju dati kratka objašnjenja zašto su listići važeći ili nevažeći.

Član 28.
(Važeći glasački listići)

- (1) Važeći glasački listići pakuju se u papirnu kovertu osiguranu pečatom i zapisnički dostavljaju Koordinatorima izbora. Oni ih zadržavaju dok se ne potvrdi da su listići važeći.
- (2) U slučaju nepotvrđivanja ispravnosti glasačkih listića izbori se ponavljaju, a Koordinatori izbora čuvaju glasačke listiće do donošenja takve odluke.

Član 29.
(Rezultati izbora)

- (1) Nakon što prikupe rezultate izbora sa svih glasačkih mjesta, Koordinatori izbora sazivaju sjednice Izbornih komisija.
- (2) Na sjednicama se raspravlja o svim izbornim izvještajima, donose konačni zaključci, a potom o svemu izvještavaju nadležni organi obrtničke komore, koji konačne rezultate objavljuju u javnosti.
- (3) Pobjedili su oni kandidati koji su dobili najveći broj glasova.

POGLAVLJE VI – UŽI IZBOR, ŽALBENI POSTUPAK, TROŠKOVI IZBORA

Član 30. (Uži izbor)

- (1) Ako predloženi kandidat za izbor ne dobije više od polovine glasova, vrši se uži izbor između 2 kandidata koji su dobili najviše glasova. U slučaju da oba kandidata dobiju isti broj glasova odlučuje se izvlačenjem koje organizuju Koordinatori izbora na sastanku Upravnih odbora obrtničkih komora.
- (2) Izbor kandidata se vrši u roku od 30 (trideset) dana od dana objavljivanja rezultata izbora od strane Koordinatora izbora. U tom slučaju nije potrebno podnošenje novih izbornih prijedloga.

Član 31. (Žalbe)

Žalbe o podjeli na izborna područja, imenovanju članova Izbornih komisija i odluke o određivanju izbornih prostorija rješavaju Upravni odbori obrtničkih komora. Pravo žalbe ima samo onaj tko je glasao.

Član 32. (Troškovi izbora)

Troškove izbora snose obrtničke komore.

POGLAVLJE VII – PRELAZNE I ZAVRŠNE ODREDBE

Član 33. (Prestanak važenja)

Danom stupanja na snagu ovog Pravilnika prestaje da važi Pravilnik o izornoj proceduri u obrtničkim komorama kantona i Obrtničkoj komori Federacije BiH ("Službene novine Federacije BiH" broj 15/15).

Član 34. (Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Federacije BiH".

Broj: 07-02-104/22-1
30.12.2024.godine
Mostar

MINISTAR
Vojin Mijatović